



Naka le Nala ba bua ka metsi

Eric Khorombi

Simon Mokoena





Naka le Nala ba etsa mosebetsi wa sekolo wa hae. Ba ithuta ka metsi.

“Metsi ha a na mmala empa ke mohlodi wa bohlokwa!” ho kgotsa Nala.



Naka o ya dumela, “Diphedi tsohle di hloka metsi. Batho ba sebedisa metsi ho nwa, ho pheha, ho hlwekisa, le bolemi.”

“Le ho etsa dintho difemeng,” Nala a tlatsa.



“Halofo ya mmele le ho feta, e entswe ka metsi!
Metsi a etsa ho hongata ho feta ho nyorolla
feela. Hore mmele ya rona e kgone ho sebetsa, e
hloka metsi,” ho rialo Naka.



“Boholo ba lefatshe bo kwahetswe ke metsi, jwaloka dinoka, matamo, matsha le mawatle,” ho bolela Nala.

Naka o tsitsinya hlooho, “Pedi tharong ya lefatshe ke metsi.”



“Empa boholo ba metsi lefatsheng a letswai. Ke karolo e nyenyane feela ya metsi a hlwekileng, e leng ona ao batho ba a hlokang,” ho rialo Naka.



“Metsi a letswai a na le letswai, mme ho thata ebile ho a tura ho ntsha letswai metsing. Empa batho ba keke ba nwa metsi a letswai, ba nwa a hlwekileng feela!” ho kgotsa Naka.



“Ee, ke ka hona re tshwanetseng ho hlokomela mehlodi ya metsi a hlwekileng lefatsheng. Ha re a tshwanela ho silafatsa dinoka le matsha ka ditshila,” ho rialo Nala.



“Ha re ithuteng ka potoloho ya metsi,” ho bolela Naka.

“Ke mkgwa oo metsi a tlohang lefatsheng a moyafallang moyeng e be a kgutlela fatshe hape,” ho hlalosa Nala.



Nala o tswela pele, "Marothodi a manyanyane a nyolohela lefaufaung a bope maru. Metsi a marung a thehela fatshe jwaloka pula, sefako, kapa lehlwa."



Naka a kgotsa, “Ke nyorilwe, ke hloka metsi!”

Nala araba, “Ee, boko ba hao bo hloka metsi ho nahana le ho ithuta! Metsi ke bophelo, a hlokomele.”

—Dipotso

1. Ke mang a hlokakang metsi a hlwekileng? Hobaneng
2. Bolela mesebetsi e mehlano ya metsi a hlwekileng.
3. Re ka hlokomela metsi jwang lefatsheng?
4. Metsi a lefatsheng boholo a letswai kapa a hlwekile? Hlalosa.
5. Hlalosa potoloho ya metsi. Sebedisa mantswe a pale ho hlalosa.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Naka le Nala ba bua ka metsi

Author/s: Eric Khorombi

Translator/s: Mathapelo Morake


Illustrator/s: Simon Mokoena

Assurer/s: Nthabiseng Tsatsi

Language: Sesotho (South Africa)

© Zenex Foundation - Saide 2023

CC BY includes the following elements:

BY  - Credit must be given to the creator

